


A N G V S I A, A N G V I S.

E X C A M B D E N O.



D Tai æstuarium & interius ad fl. Escam Septentrionalē Angusia vulgo Anguis, genuinis Scotis Aanea, campos tritici & omne genus frumenti feraces, amplos colles, lacus, saltus, pascua & prata expandit, plurimis arcibus & castris condecorata. In primo à Gourea limine Glamys est castrum & Baronia familiæ cognomine Lions, quæ emicuit ex quo I. Lion gratia apud Regem Robertum Secundum florens hoc, nec non Baronis dignitatem cum Baronia de Kinghorn, in dotem cum Regis filia accepit, simulque, ut scribitur, cognomen Leonis, cum leone in insignibus intra tractum liliatum, ut ipsi Reges gerunt, sed coloribus variantibus: ut Patricius Baro Glamys, cuius filius Ioannes nunc floret, honorem Comitatus Kinghorn à Rege Iacobo ejus nominis Sexto nuperime consequutus est.

Baro Glamys.

The Shield Arg. the Lion, and treasure floury.

B. Comes Kinghorn.

Forfar Vicecomes.

Baro Grey.

ADDIT.

Forfar parum abest ubi jus dicunt Barones Grei Vicecomites hæreditarii, qui à Greis de Chillingham in Comitatu Northumbriæ oriundi venerunt in Scotiam cum Iacobo Primo ex Anglia reduce, quorum primo Andreæ cum uxore Helena Mortimer Dominium de Foulis Regia munificentia contulit. [Dominus Grei unicam tantum habens filiam, & multo ære alieno obrutus, ut debita persolverentur, & filia illa unica hæres honesto juveni collocaretur, eam despondit filio Domino Guilhelmo Grei civis Edinburgensis, qui debita persolvit, & post excessum soceri per insecramentum regium Dominium de Grei habiturus est.

Sic cecinit Arturus Ionstonus de Farfara:

Farfara, te decorant regalis rudera tecti,
Et lacus, & multæ fertilitatis ager.
Sunt angusta tibi, fateor, pomeria, latum
Sed tamen imperium Scotia prisca dedit.
Quos geris, agnoscit tellus Angusia fasces,
Seque tuo sistunt rura remota foro.
Ius dicunt populi proceres, plebs excolit artem
Qua parat & tenues jugiter auger opes.
Tergora sunt illi validis detracta juvencis,
Et quæ virgineos velat aluta pedes.
Vmbrosum levis dedit hæc sandalia plantis,
Et soleas sociis, funiger ordo, tuis.
Ne nive vel glacie ledaris tempore brumæ,
Hæc tibi perones, rustica turba, parat.
Fortibus hæc ocreis veteres instruxit Achivos,
Et Graja crepidas hinc petiere nurus.
Plebs eadem tragicis munitur crura cothurnis,
Hujus & inventum nobile foccus erat.
Roma suas posthac ne tollat in æthera vires,
Nec bellatrices Sparta superba manus.
Scotia.

Imposuere jugum populi cervicibus illæ,
Fortibus hæc vinculis crura pedesque premit.]

Proxime Tai ostium sedet Dundee quod olim Alectum, alii Taodunum appellant, oppidum sane celebre, & cuius Constabularius peculiari jure Regum Scotorum est Vexillifer. [Taodunum hinc bellis civilibus Monterosius cum exercitu adortus est, at paucis domibus exustis fortiter à viris & feminis repulsus. postea autem valla fossisque ab incolis munitum.] Nomen vero Dundee Donum Dei alludendo interpretatur Hector Boetius hinc oriundus, qui bonis literis reflorentibus Scotiam historiam eleganter scripsit, eamque ex tam intima antiquitate, ut in ejus scriptis Paulus Iovius admiratus sit extare de his remotis ab orbe partibus, Hebridibus, & Orcadibus mille amplius annorum memoriam, quum in Italia altrice ingeniorum tot sæculis, post ejectos Gothos, scriptores defuerint. Sed de hoc loco sic I. Ionstonus haud procul hinc natus:

Dundee.
I. Skene de verb. signific.
Hector Boetius.
ADDIT.

Qua Notus argutis adspirat molliter auris,
Hæc placide coeunt Taus & Oceanus.
Hic facili excipiens venientes littore puppes
Indigenis vasti distrahit orbis opes.
Sæpe dolis tentata, & belli exercita damnis,
Invictis animis integra præstat adhuc.
Fama vetus crevit cum Religione renata,
Lucis & hinc fulsit pura nivela aliis.
Alectum dixere prius; si maxima spectes
Commoda, fors Donum dixeris esse Dei.
Tu decus æternum gentisque urbisque Boeti,
Cætera dic patriæ dona beata tue.

[Et sic Arturus Ionstonus:

ADDIT.

Vrbs vetus, undosi cui parent ostia Tai,
Et male Cimbrorum quod tegit ossa solum.
Genua te spectans sua ridet marmora, moles
Pyramidum flocci barbara Memphis habet.
Ipsa suas merito contemnunt Gargara messes,
Quasque regit, damnat terra Liburna rates.
Et Venetum populi de paupertate queruntur,
Nec Cnidus æquoreos jactat ut ante greges.
Si conferre lubet, pubes Spartana juventa,
Consulibus cedit Roma togata tuis.
Qui mendicatum Tai de gurgite nomen
Dat tibi, credatur mentis & artis inqps.
Structa Deum manibus cum possis jure videri,
Iure Dei Donum te tua terra vocat.]

Hinc in conspectu est Brochty-crag arx quam Brochty-crag.
plures menses Angli præsidarii defenserunt, 1547.
cum perpetuæ pacis studio matrimonium Mariae Scotiæ cum Edwardo Sexto Angliæ votis expeterent, & promissum armis repeterent, demumque sponte deferuerunt. [Brochty-crag
pertinet ad Dominum Grei: elegantissima hic
est salmonum piscatio, imo ad ipsos castrum mu-
ros.]

ADDIT.

P P